



Bosna i Hercegovina
Federacija Bosne i Hercegovine
Kantonarno tužilaštvo
Kantona Sarajevo

Broj: T09 0 KTPO 0177000 22
Sarajevo, 2.4.2025. godine

OPĆINSKI SUD U SARAJEVU
Sudiji za prethodno saslušanje

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), **p o d i ž e m**

OPTUŽNICU

Protiv:

Vesna Tataragić, rođena 1958. godine sa prijavljenim prebivalištem u ulici, po zanimanju diplomirani pravnik, VSS, notar, srednjeg imovinskog stanja, razvedena, dvoje punoljetne djece, po narodnosti Bosanka, državljanka BiH i Republike Hrvatske, nije služila vojni rok, nije odlikovana, nema čin rezervnog vojnog starješine, ne vodi se u vojnoj evidenciji, JMBG:, **ranije nije osuđivana i ne vodi se dugi postupak**,

Što je:

Dana 10.3.2022. godine u Sarajevu u ugostiteljskom objektu Stare Vrbe koji se nalazi u ulici Jukićeva broj 73, općina Centar, Sarajevo, u svojstvu službene osobe u smislu člana 2.stav 3. Krivičnog zakona Federacije Bosne i Hercegovine (KZ F BiH), odnosno obavljajući poslove notara po Rješenju o imenovanju notara, Ministarstva pravde i uprave Kantona Sarajevo od 5.3.2007. godine, shodno članu 100. stav 1. Zakona o notarima Federacije Bosne i Hercegovine, gdje je propisano da ako je notar pozvan da potvrdi zaključke skupštine ili sjednice nekog drugog tijela pravne osobe, u zapisnik će unijeti dan i vrijeme sjednice, zatim će opisati sve što se u njegovom prisustvu događalo, predlagalo i izjavilo, ukoliko je to važno za prosuđivanje pravilnosti postupka, a posebno zaključke donijete na sjednici, te će potvrditi i sve drugo što je zakonom propisano, notarski obradila i sačinila Zapisnik o radu vanredne skupštine društva Bosnalijek d.d. održane dana 10.3.2022. godine sa početkom u 11,00 sati, broj:, u koji je unijela netačne podatke koji se odnose na mjesto održavanja skupštine društva, što je i htjela, na način da je u Zapisniku kao mjesto i vrijeme održavanja skupštine navela „U skladu sa Obavještenjem o sazivu ponovne vanredne skupštine društva Bosnalijek d.d. objavljenim u listu „Dnevni Avaz“ od 08.02.2022. godine, u sjedištu Društva na adresi Jukićeva br. 53 u Sarajevu, održana je ponovna vanredna skupština društva Bosnalijek d.d. (u daljem tekstu: „Skupština“), sa početkom u 11:00 h.“, te je u odjeljku III pod nazivom „Predsjedavajući skupštine“ u tački 4) i 5) navela da „*Nakon otvaranja skupštine Predsjedavajući je predložio prisutnim dioničarima i njihovim punomoćnicima da se, zbog onemogućavanja ulaska u prostorije u kojima se treba održati skupština, nastavak skupštine održi u drugim prikladnim prostorijama u okviru objekta društva a na adresi sjedišta društva, te je navedeni prijedlog stavio na glasanje. Prijedlog predsjedavajućeg iz tačke 4 jednoglasno je usvojen aklamacijom od strane*

svih prisutnih dioničara i njihovih punomoćnika, nakon čega se nastavak skupštine nastavio u prikladnoj prostoriji u okviru društva na adresi sjedišta društva.“, svjesna i znajući da navedena skupština društva Bosnalijek d.d. nije održana u sjedištu društva na adresi Jukićeva broj 53 u Sarajevu, niti je premještena u druge prikladne prostorije u okviru objekta društva na adresi sjedišta društva, već je održana u ugostiteljskom objektu Stare Vrbe na adresi Jukićeva broj 73 u Sarajevu, dakle na potpuno drugoj adresi van sjedišta Društva, a da prethodno nije donesena bilo kakva odluka nadzornog odbora za održavanje sjednice van sjedišta društva shodno članu 48. stav 2. Statuta Bosnalijek d.d. Sarajevo od 18.9.2017. godine, koji propisuje da je za održavanje skupštine van sjedišta društva, nadzorni odbor dužan obavještenje o održavanju takve sjednice uputiti svakom dioničaru preporučenom poštom ili telefaksom ili elektronskom poštom, na adresu iz Liste dioničara, odnosno dioničarima koji se kod Registra nalaze na Listi dioničara 30 dana prije datuma određenog za održavanje Skupštine ili posljednjeg radnog dana koji prethodi tom roku ako on pada u neradni dan, kako to propisuje član 46. stav 3. Statuta.

Dakle, kao službena osoba u Federaciji u službenu ispravu, unijela neistinite podatke, te je svojim potpisom i službenim pečatom ovjerala službenu ispravu s neistinitim sadržajem,

Čime je, počinila krivično djelo Krivotvorenje službene isprave iz člana 389. stav 1. Krivičnog zakona Federacije Bosne i Hercegovine (KZ F BiH).

Predlažem da se osumnjičenoj **Tataragić Vesni** u smislu člana 71. stav 1. tačka c), te člana 76. stav 2. u vezi stav 1. KZ-a F BiH izrekne mjera sigurnosti zabrane vršenja poziva, aktivnosti ili funkcije, na radnom mjestu koje je obavljao u vrijeme izvršenja krivičnog djela, i to notara, u trajanju od 3 (tri) godine, računajući od pravosnažnosti presude. Navedeno, jer je osumnjičena Tataragić Vesna počinila krivično djelo koje je vezano uz njene dužnosti kao notara, te postoji opasnost da bi takvo obavljanje poziva, aktivnosti ili funkcije moglo poticajno djelovati da osumnjičena počini novo krivično djelo vezano za svoju dužnost.

KANTONALNI TUŽILAC